

Zbirka medijskih objava

VladaBrckoDistrikta_kliping_dnevno,
za razdoblje 11. 11. 2019

Broj objava: 19

Internet: 7

Televizija: 2

Štampa: 10

Teme praćenja:

Vlada Brčko Distrikta: 2

Gradonačelnik Brčko ...: 2

Skupština Brčko Distrikta: 1

Brčko: 15

Vlada Brčko Distrikta:

Internet	Naslov	Brčko: Učenici Poljoprivedne i medicinske škole obilježili "Fertility week 2019"		
Serijski br. 1	Medij; Doseg	radiobrcko.ba; , Bosna i Hercegovina		
	Rubrika, Datum	Ostalo; 9. 11. 2019		
Stranica u zbirci: 9	Autor	Unknown		
	Teme	Vlada Brčko Distrikta		

Štampa	Naslov	POLITIZACIJA DRŽAVNE UPRAVE		
Serijski br. 2	Medij; Doseg	Business Magazin; , Bosna i Hercegovina	Stranica: 26	Površina: 1.525 cm ₂
	Rubrika, Datum	Ostalo; 11. 11. 2019		
Stranica u zbirci: 13	Autor	Haskić Suša Mirela		
	Teme	Vlada Brčko Distrikta , Brčko		

Gradonačelnik Brčko Distrikta:

Televizija	Naslov	Otvoren 18. Međunarodni sajam privrede "Brčko 2019"		
Serijski br. 1	Medij; Doseg	BDC TV; , Bosna i Hercegovina	19:00	Trajanje: 3 min
	Rubrika, Datum	Centralne vijesti; 8. 11. 2019		
Stranica u zbirci: 14	Autor	Unknown		
	Teme	Gradonačelnik Brčko Distrikta		

Internet	Naslov	Delegacija Kantona Sarajevo kod gradonačelnika Brčkog		
Serijski br. 2	Medij; Doseg	radiobrcko.ba; , Bosna i Hercegovina		
	Rubrika, Datum	Ostalo; 8. 11. 2019		
Stranica u zbirci: 17	Autor	Unknown		
	Teme	Gradonačelnik Brčko Distrikta		

Skupština Brčko Distrikta:

Internet	Naslov	Brčko: Održano 14. Prvenstvo u šahu za osobe s invaliditetom		
Serijski br. 1	Medij; Doseg	radiobrcko.ba; , Bosna i Hercegovina		
	Rubrika, Datum	Ostalo; 9. 11. 2019		
Stranica u zbirci: 18	Autor	Unknown		
	Teme	Skupština Brčko Distrikta		

Brčko:

Televizija	Naslov	Sprječavanje širenja virusa Afričke kuge svinja		
Serijski br. 1	Medij; Doseg	Radio televizija Republike Srpske; , Bosna i Hercegovina	19:30	Trajanje: 3 min
	Rubrika, Datum	Dnevnik; 10. 11. 2019		
Stranica u zbirci: 19	Autor	Kesić Branka		
	Teme	Brčko		

Štampa	Naslov	Ekipe SBK Travnik najuspješnija		
Serijski br. 2	Medij; Doseg	Dnevni avaz; 50.000, Bosna i Hercegovina	Stranica: 14	Površina: 102 cm ²
	Rubrika, Datum	Ostalo; 11. 11. 2019		
Stranica u zbirci: 20	Autor	I. B.		
	Teme	Brčko		

Štampa	Naslov	Posjeta iz Sarajeva		
Serijski br. 3	Medij; Doseg	Dnevni avaz; 50.000, Bosna i Hercegovina	Stranica: 15	Površina: 50 cm ²
	Rubrika, Datum	Ostalo; 11. 11. 2019		
Stranica u zbirci: 21	Autor	Unknown		
	Teme	Brčko		

Internet	Naslov	SIPA provodi veliku akciju: Hapšenja zbog sumnje u namještanje nogometnih utakmica u BiH		
Serijski br. 4	Medij; Doseg	Klix.ba; 610, Bosna i Hercegovina		
	Rubrika, Datum	Ostalo; 11. 11. 2019		
Stranica u zbirci: 22	Autor	S. H.		
	Teme	Brčko		

Internet	Naslov	Schwarz-Schilling: Evropa mora protrljati oči i konačno se probuditi		
Serijski br. 5	Medij; Doseg	Klix.ba; 610, Bosna i Hercegovina		
	Rubrika, Datum	Ostalo; 11. 11. 2019		
Stranica u zbirci: 24	Autor	A. P.		
	Teme	Brčko		

Internet	Naslov	Atraktivnom promocijom No+Vello obilježava devet godina rada u Bosni i Hercegovini		
Serijski br. 6	Medij; Doseg	Klix.ba; 610, Bosna i Hercegovina		
	Rubrika, Datum	Ostalo; 11. 11. 2019		
Stranica u zbirci: 25	Autor	sponzorirani članak		
	Teme	Brčko		

Internet	Naslov	Policija uhapsila osam osoba zbog sumnje da su namještali utakmice u Prvoj ligi FBiH		
Serijski br. 7	Medij; Doseg	Klix.ba; 610, Bosna i Hercegovina		
	Rubrika, Datum	Ostalo; 11. 11. 2019		
Stranica u zbirci: 27	Autor	E. R. M.		
	Teme	Brčko		

Štampa	Naslov	POLITIZACIJA DRŽAVNE UPRAVE		
Serijski br. 8	Medij; Doseg	Business Magazin; , Bosna i Hercegovina	Stranica: 26	Površina: 1.525 cm ²
	Rubrika, Datum	Ostalo; 11. 11. 2019		
Stranica u zbirci: 31	Autor	Haskić Suša Mirela		
	Teme	Vlada Brčko Distrikta , Brčko		

Štampa	Naslov	TERORIST		
Serijski br. 9	Medij; Doseg	Dnevni list; , Bosna i Hercegovina	Stranica: 4	Površina: 429 cm ²
	Rubrika, Datum	Događaji; 11. 11. 2019		
Stranica u zbirci: 33	Autor	B. K.		
	Teme	Brčko		

Štampa	Naslov	ПОДРИЊЕ...		
Serijski br. 10	Medij; Doseg	Glas Srpske - Sport; , Bosna i Hercegovina	Stranica: 2	Površina: 87 cm ²
	Rubrika, Datum	Ostalo; 11. 11. 2019		
Stranica u zbirci: 34	Autor	Unknown		
	Teme	Brčko		

Štampa	Naslov	Слобода залеђена у Бањалуци		
Serijski br. 11	Medij; Doseg	Glas Srpske - Sport; , Bosna i Hercegovina	Stranica: 7	Površina: 53 cm ²
	Rubrika, Datum	Ostalo; 11. 11. 2019		
Stranica u zbirci: 35	Autor	Unknown		
	Teme	Brčko		


Štampa	Naslov	Federalna policija ne može biti raspoređena u RS		
Serijski br. 12	Medij; Doseg	Nezavisne novine; , Bosna i Hercegovina	Stranica: 5	Površina: 85 cm ²
	Rubrika, Datum	Događaji; 11. 11. 2019		
Stranica u zbirci: 36	Autor	Agencije		
	Teme	Brčko		

Štampa	Naslov	JAVNU PRIVATNI SEKTOR moraju da sarađuju		
Serijski br. 13	Medij; Doseg	Nezavisne novine; , Bosna i Hercegovina	Stranica: 6	Površina: 243 cm ²
	Rubrika, Datum	Događaji; 11. 11. 2019		
Stranica u zbirci: 37	Autor	Vukić Uroš		
	Teme	Brčko		

Štampa	Naslov	Za nerad inkasirali 2,6 miliona		
Serijski br. 14	Medij; Doseg	Oslobođenje; , Bosna i Hercegovina	Stranica: 4	Površina: 661 cm ²
	Rubrika, Datum	Događaji; 11. 11. 2019		
Stranica u zbirci: 39	Autor	Džaferović Adem		
	Teme	Brčko		

Štampa	Naslov	Šta donose izmjene Zakona o notarima u Federaciji BiH		
Serijski br. 15	Medij; Doseg	Oslobođenje; , Bosna i Hercegovina	Stranica: 9	Površina: 557 cm ²
	Rubrika, Datum	Komentari; 11. 11. 2019		
Stranica u zbirci: 40	Autor	Unknown		
	Teme	Brčko		

Otvoren 18. Međunarodni sajam privrede “Brčko 2019”



Delegacija Kantona Sarajevo kod **gradonačelnika Brčkog**



Delegacija Vlade Sarajevskog kantona, predvođena premijerom Edinom Fortom, prijedodne je boravila u kraćoj radnoj posjeti **Brčkom**, te sa gradonačelnikom Sininišom Milićem razgovarala o različitim vidovima saradnje, ove dvije, kako je kazano, značajne lokalne zajednice u BiH.

Dok visoka politika dogovara saradnju, lokalne zajednice treba da razmjene pozitivne prakse, a sve u korist o građana, poenta je održanih razgovora.



„Konkretno projekat *Utopljanja zgrada* je jako dobro proveden u Sarajevu i trebamo ga i mi u **Brčkom** preslikati“, kazao je gradonačelnik Siniša Milić.

Delegacija iz Sarajeva, s druge strane, smatra da obrazovni sistem u Distriktu treba biti model za sve ostale u BiH.

“Svakako da ima prostora da pomognemo odgovornima u Distriktu na osnovu iskustava, koje mi imamo u provođenju projekata i kad je riječ o mnogim inozemnim agencijama i organizacijama, čije je sjedište u Sarajevu, a koje žele u različitim oblastima unaprijediti život svih građana u našoj zemlji“, istakao je premijer Forto.



Takođe je usaglašeno da se razmjena iskustava i saradnja dvije lokalne zajednice nastavi i na nivou ekspertskih timova, te naredni sastanak održi u Sarajevu.

Brčko: Učenici Poljoprivedne i medicinske škole obilježili “Fertility week 2019”



1. 1
2. 2

Fertility week 2019 obilježili su i učenici JU Poljoprivredne i medicinske škole **Brčko**, koji su godinu ranije, kroz projekat „Šta ako sam šesti“ prošli edukacije članova UG „Beba više“ uz pomoć i podršku dr Jelene Živanović, ginekologa u brčanskom porodilištu, te pedagoga Perice Ivaneka.

Učenici su održali radionicu pod nazivom „(Ne) plodnost“. O problemu neplodnosti sa kojim se suočava svaki šesti par u našoj zemlji govorili su Katarina Karać, Hamza Čandić, prošlogodišnji učesnici projekta „Šta ako sam šesti“, a na inicijativu predsjednice Vijeća učenika Helene Radić.

Osim upoznavanja učenika sa pojmom steriliteta, uzroka njegovog nastanka, terapije kojom se liječi, predstavljen je i desetominutni film „Priča o muškom sterilitetu“.

“Sterilitet nije tabu tema. To je problem o kojem se treba pričati. Svaki učenik, ne samo iz medicinske struke, treba da zna o ovom problemu. Naime, svaki šesti par je suočen sa sterilitetom i građani **Brčko** distrikta na ovaj način, kroz prezentacije i sam razgovor, mogu saznati da u našem gradu postoji udruženje „Beba više“ kome se mogu obratiti, bez predrasude da neće biti prihvaćeni u društvu, izjavila je Helena Radić učenica medicinske škole.

Aktivnost učenika podržali su i pozdravili i predstavnici UG „Beba više“ **Brčko** distrikta BiH.

“Učenici Poljoprivredno medicinske škole iz **Brčkog** oduševili su nas po ko zna koji put. Najprije moram da pohvalim njihovo učešće u projektu koga smo realizovali prošle godine, zahvaljujući podršci **Vlade Distrikta Brčko**, a i ova prezentacija i njihova zainteresovanost su zaista facinantni, istakao je Željko Lazarević, predsjednik UG „Beba više“.

On je podsjetio da djeca žele biti informisana i uključena u društvene aktivnosti, što su pokazali aktivizmom i volontiranjem na konferenciji „Dani zdravlja“ koju je organizovao Fond zdravstvenog osiguranja **Brčko** distrikta.

Prezentaciji su prisustvovali učenici, profesori praktične nastave i rukovodstvo škole.

Brčko: Održano 14. Prvenstvo u šahu za osobe s invaliditetom




U **Brčkom** je danas održano 14. Državno prvenstvo u šahu za osobe s invaliditetom. Učešće je uzelo sedam ekipa iz BiH, koje je u ime predsjednika Skupštine Eseda Kadrića, kao pokrovitelja događaja, pozdravio glavni koordinator Vlade **Brčko** distrikta Sead Šadić.

Najuspješniji su bili šahisti iz Srednje-bosanskog kantona, koji su iz pet odigranih kola osvojili devet bodova.

Organizator prvenstva je OKI „**Brčko**”, uz tehničku podršku Sportskog saveza invalida BiH.

Inače, ovo je prvo sportsko takmičenje za osobe s invaliditetom na državnom nivou koje se organizira u našem gradu.

Sprječavanje širenja virusa Afričke kuge svinja





BRCKO Prvenstvo u šahu za osobe s invaliditetom **Ekipa SBK Travnik najuspješnija**

U pojedinačnoj konkurenciji najbolji Enver Beganović

U **Brčkom** je održano ekipno i pojedinačno prvenstvo BiH u šahu za osobe s invaliditetom na kojem je učestvovalo šest kantonalnih ekipa. Učesnici ovog takmičenja pokazali su kvalitetnu igru.

Poslije višesatnog takmičenja i sumiranja rezultata proglašene su najbolje ekipe i pojedinci. U ekipnom plasmanu prvo mjesto osvojili su šahisti iz SBK Travnik, drugi su predstavnici SSRI Unsko-sanskog kantona, a treće mjes-



S takmičenja u Brčkom

to pripalo je ekipi SU SRI Kantona Sarajevo.

U pojedinačnoj konkurenciji najbolji su Enver Beganović, Ibrahim

Šahinpašić, Nusret Abazi i Ahmet Spahić.

Najboljim ekipama i pojedincima uručeni su pehari i medalje. **I. B.**



Zajedničke izjave

Bijeljina

Posjeta iz Sarajeva

► Nakon posjete Gradu Bijeljini delegacije Kantona Sarajevo i sastanka s čelnicima Grada, na kojem je razgovarano o prednostima i problemima lokalnih zajednica, predsjedavajući Skupštine KS Elmedin Konaković izjavio je kako je zajednički imenilac svima u ovoj zemlji jedinstveni račun trezora te kako podjednako raduju rezultati u svim dijelovima BiH.

-Svaka marka više i u Bijeljini, **Brčkom**, Bihaću, Livnu, Tuzli jednako je vrijedna. Radujemo se kada ljudi ostvaruju rezultate poput ovih u Bijeljini.



SIPA provodi veliku akciju: Hapšenja zbog sumnje u namještanje nogometnih utakmica u BiH

Pripadnici Državne agencije za istrage i zaštitu (SIPA) jutros provode akciju kodnog naziva "Var" usmjerenu protiv više nogometnih sudija zbog sumnje u namještanje utakmica.

Pripadnici Državne agencije za istrage i zaštitu (SIPA) jutros provode akciju kodnog naziva "Var" usmjerenu protiv više nogometnih sudija zbog sumnje u namještanje utakmica.

SIPA ovu akciju provodi prema naredbi Tužilaštva BiH i Suda BiH. Kako saznajemo policija je akciju započela jutros u 7 sati na širem području BiH, između ostalog u Orašju, **Brčkom**, Sarajevu i drugim mjestima.

Osumnjičene osobe se terete da su prekršile više članova Krivičnog zakona, a između ostalog na teret im se stavlja organizirani kriminal, zloupotreba položaja, primanje dara i drugih oblika koristi.

Pod lupom je najviše utakmica iz Prve lige FBiH iz sezone 2018./2019, ali i nekih iz Premijer lige BiH.

Većinom s eradi o sudijama s A liste Prve lige FBiH, a među osumnjičenima su Ilija Živković, Kenan Bajraktarević, Haris Poprženović, Edin Mujkić, Mirza Kazlagić, Marko Pejić, Josip Martinović i drugi.

Kako nezvanično saznajemo riječ je o kriminalnim radnjama koje se odnose na pogodovanje određenim fudbalskim klubovima, uzimanje mita te pozitivno ocjenjivanje sudija koje su učestvovala u tim radnjama.

Imena uhapšenih i tačni detalji akcije bit će poznati naknadno.



Schwarz-Schilling: Evropa mora protrljati oči i konačno se probuditi

Postoji realna opasnost da neuspjeli pregovori između Srbije i Kosova dovedu do otvorenog sukoba i da će to imati fatalne posljedice za BiH, piše u svojoj kolumni za Deutsche Welle Christian Schwarz-Schilling.

Postoji realna opasnost da neuspjeli pregovori između Srbije i Kosova dovedu do otvorenog sukoba i da će to imati fatalne posljedice za BiH, piše u svojoj kolumni za Deutsche Welle Christian Schwarz-Schilling.

Njemačka ministrica odbrane Annegret Kramp-Karrenbauer je 6. novembra u Berlinu glavnom tajniku NATO-a Jensu Stoltenbergu dodijelila "Medalju Manfreda Wörmera". Prisustvovao sam tom događaju u Berlinu i čestitao mu. Također sam imao priliku izraziti svoje zadovoljstvo zbog činjenice da će NATO pozdraviti Sjevernu Makedoniju kao 30. članicu transatlantskog saveza. To je vrlo važan znak od NATO-a, posebno u danima kada je Sjeverna Makedonija primila potpuno neočekivani udarac iz Evrope.

Odbijanje početka pregovora o proširenju EU-a sa Sjevernom Makedonijom i Albanijom kroz francuski veto izazvalo je veoma loše učinke u čitavoj regiji Zapadnog Balkana. Još se jednom jasno pokazalo da Evropa ne ispunjava svoja obećanja i kroz to ulazi u pravu krizu vjerodostojnosti. Tačno je da zahtjevi Evrope za vladavinom zakona moraju biti uvaženi među zemljama kandidatkinjama. Sjeverna Makedonija i Albanija su pak pokrenule procedure snijemica dobijenih od EU-a, kao što je i sama Evropska komisija to potvrdila. Odbacivanjem narednog koraka u pravcu EU-a te se dvije zemlje, kao i cijela regija, vraćaju unazad.

Za šest zemalja Zapadnog Balkana postavlja se pitanje: šta sad?

Put u EU je, kako to sada izgleda, na neodređeno vrijeme zazidan. Zašto bi sada te zemlje trebale nastaviti raditi na zahtjevima za članstvo u EU, kada im je jasno pokazano da je proširenje EU-a zapravo zaustavljeno iz drugih razloga? Evropa je bila svjesna opasnosti da se te zemlje mogu okrenuti u pravcu istoka. Uprkos tome EU radi jednu tako ozbiljnu, neki čak kažu povijesnu grešku i ne ispunjava svoja obećanja. Neki, poput trusta mozgova ESI, zalažu se sada najprije za integraciju šest zemalja zapadnog Balkana u evropski ekonomski prostor, kao prvu konkretnu stanicu na njihovom putu u EU. To je pokrenulo veliku evropsku diskusiju. Mnogi su protiv toga.

Predsjednik Srbije Aleksandar Vučić je u intervjuu za austrijski "Der Standard" 21. oktobra 2019. jasno rekao: "NE za pregovore s EU-om će u Srbiji voditi ka tome da EU postane još nepopularniji i da mu se manje vjeruje. [...] Ali mi se brinemo za sebe. Moramo riješiti naše odnose u regiji. A imamo i dobre odnose s Kinom, Rusijom i Turskom." I Srbija je odmah potpisala sporazum s Euroazijskom ekonomskom unijom, iako to nije kompatibilno sa članstvom u EU-u. Rusija je odmah pozvala Sjevernu Makedoniju i Albaniju da i one to urade.

Kakvi su to nevjerojatni razvoji događaja? U Evropi nedostaje zajednička strateška politika, nedostaje jasnoća u pogledu

naših interesa i naše vizije za rješavanje problema na Balkanu. Vrlo je teško razumjeti što pri tome misli aktualna politička elita u Evropi.

Zato je izuzetno važno da barem NATO ima veće prisustvo na Zapadnom Balkanu. Albanija i Crna Gora su već članice NATO-a, a i Sjeverna Makedonija se nalazi pred članstvom. Samo Srbija ne teži ka članstvu u NATO-u, što pretežno važi i za srpski entitet u Bosni i Hercegovini (BiH), Republiku Srpsku (RS). RS lojalno prati Srbiju i protivi se članstvu u NATO-u, iako je godinama ranije s tim bila saglasna i službeno je potpisala zahtjev BiH za Akcijski plan za članstvo u NATO-u. To sada uzrokuje velike probleme i političku blokadu u Bosni i Hercegovini. Vlada u Bosni i Hercegovini, nakon izbora u oktobru 2018. godine, još uvijek nije formirana, jer se Republika Srpska predomisli i više ne poštuje postojeće pravne sporazume od ranije. RS odbacuje aktiviranje takozvanog MAP-a (Akcijski plan za članstvo) i blokira put Bosne i Hercegovine u NATO. Jaki čovjek srpskog entiteta Milorad Dodik, koji je sada i član Predsjedništva BiH, održava dobre odnose s Rusijom, koja se protivi širenju NATO-a na Zapadnom Balkanu i sve jače se bori za neovisnost Republike Srpske. Dok Rusija kroz konkretne korake jača svoj utjecaj u regiji, EU daje prazna obećanja. Tako se povećava opasnost od budućih ozbiljnih sukoba, u slučaju da Dodik konkretnim koracima nastavi slijediti svoju najavu odcjepljenja i pripoji RS Srbiji.


Čak je i srbijanski predsjednik Vučić, koji je inače u javnosti vrlo oprezan po pitanju svojih izjava o Bosni i Hercegovini, u oktobru u intervjuu za "Der Standard" postavio pitanje o referendumima za nezavisnost u bivšoj Jugoslaviji: "A zašto se danas ne dozvoli jedan takav referendum u Republici Srpskoj?". Time je ciljao u pravcu neovisne Republike Srpske, jer ga ljuti gubitak Kosova i vjeruje da svojim biračima za to mora ponuditi odštetu: "Ali Srbi su jedini koji nemaju pravo na samoopredjeljenje. Srbe ljuti kada čuju da su drugi učinili sve po međunarodnim standardima, ali kada oni sami nešto zatraže, za njih neće biti napravljen slučaj "sui generis"."

Postoji realna opasnost da neuspjeli EU pregovori između Srbije i Kosova dovedu do otvorenog sukoba i da će to imati fatalne posljedice za Bosnu i Hercegovinu. Izuzetno važnu geografsku ulogu u tu igra Distrikt **Brčko** u Bosni i Hercegovini, koji se nalazi između Republike Srpske i Srbije.

O tome sam razgovarao sa Stoltenbergom, jer je vrlo važno da osim EUFOR-a, NATO koji je u Bosni i Hercegovini prisutan od kraja rata 1995., tamo pokaže veću vojnu nazočnost kako bi se izbjegle teže posljedice.

Evropa mora protrljati oči i konačno se probuditi.

Prof. dr. Christian Schwarz-Schilling bio je od 1982. do 1992. ministar za telekomunikacije u njemačkoj vladi kancelara Helmuta Kohla. U znak protesta zbog suzdržanosti njemačke vlade tokom rata u BiH podnio je ostavku. Deset godina bio je međunarodni medijator za BiH, a od 2006. do 2007. obavljao je dužnost visokog predstavnika Evropske unije u BiH.



Atraktivnom promocijom No+Vello obilježava devet godina rada u Bosni i Hercegovini

Ove godine No+Vello, svjetski lider na tržištu u estetskim centrima specijalizovanim za lasersku depilaciju, fotopodmlađivanje, obradovat će svoje sadašnje i buduće klijente jedinstvenom promocijom kojom će obilježiti devet godina poslovanja franšiznog lanca u Bosni i Hercegovini.

Ove godine No+Vello, svjetski lider na tržištu u estetskim centrima specijalizovanim za lasersku depilaciju, fotopodmlađivanje, obradovat će svoje sadašnje i buduće klijente jedinstvenom promocijom kojom će obilježiti devet godina poslovanja franšiznog lanca u Bosni i Hercegovini.

No+Vello© na području Bosne i Hercegovine uspješno posluje već devet godina i do sada je otvoreno 13 centara u sljedećim gradovima: Sarajevo, Tuzla, Mostar, Banja Luka, Zenica, Gračanica, **Brčko**, Teslić i Ljubuški.

No+Vello© kompanija je osnovana u Španiji 2007. godine, a doživjela je međunarodnu ekspanziju putem franšiznog modela poslovanja, te danas posluje u 16 zemalja sa više od 1.000 centara širom svijeta.

No+Vello© u Bosni i Hercegovini pripremio je posebnu promociju "2x1" za nove zone ili tretmane koja će sigurno privući pažnju na tržištu. Promocija je namijenjena sadašnjim i novim klijentima.

Klijenti će moći da uživaju u opciji "2x1" za svaki tretman pod uslovom da barem jedna od zona/sesija mora biti nova ili mora biti u pitanju novi tretman. Klijenti će moći birati iz široke lepeze No+Vello© tretmana koji obuhvataju lasersku depilaciju, IPL fotopodmlađivanje, LED tretmane i tretmane iz Proskin programa za čišćenje lica.

Promocija će biti aktivna u periodu od 11. do 30. novembra 2019. godine. Svi detalji promocije se mogu pronaći na [web stranici](#).

No+Vello© vas poziva da dođete i uživajte u ovoj rođendanskoj promociji!



Policija uhapsila osam osoba zbog sumnje da su namještali utakmice u Prvoj ligi FBiH

Pripadnici Državne agencije za istrage i zaštitu (SIPA) do sada su uhapsili osam osoba u akciji kodnog naziva "Var", a koja je usmjerena protiv više nogometnih sudija zbog sumnje u namještanje utakmica.

Pripadnici Državne agencije za istrage i zaštitu (SIPA) do sada su uhapsili osam osoba u akciji kodnog naziva "Var", a koja je usmjerena protiv više nogometnih sudija zbog sumnje u namještanje utakmica.

Ovu informaciju potvrdio nam je glasnogovornik SIPA-e Luka Miladinović koji je rekao da se akcija koja je započeta rano jutros i dalje nastavlja.

Riječ je o akciji koju pripadnici SIPA-e provode po naredbi Tužilaštva Bosne i Hercegovine i Suda Bosne i Hercegovine na širem području naše zemlje, a između ostalog u Orašju, **Brčkom**, Sarajevu i drugim mjestima.

Osumnjičene osobe se terete da su prekršile više članova Krivičnog zakona BiH, a na teret im se stavlja organizirani kriminal, zloupotreba položaja, primanje dara i drugih oblika koristi.



Akcija "Var" 2h 12m

SIPA provodi veliku akciju: Hapšenje zbog sumnje u namještanje nogometnih utakmica u BiH

Pod lupom je najviše utakmica iz Prve lige FBiH iz sezone 2018/2019. Kako smo ranije pisali, većinom se radi o sudijama s A liste Prve lige FBiH, a među osumnjičenima su Ilija Živković, Kenan Bajraktarević, Haris Poprženović, Mirza Kazagić i drugi.

Među osumnjičenima su osim sudija i druge službene osobe Nogometnog saveza, među kojima su delegati, posmatrači i

slično. Istragom su obuhvaćeni i Salem Prolić, Irfan Durić te Anto Bilješko.



POLITIZACIJA DRŽAVNE UPRAVE POD KRINKOM TRANSPARENTNOSTI

Iako procedura zapošljavanja državnih službenika izgleda objektivna i transparentna, ipak ostavlja prostor za političke uticaje i zapošljavanje stranački podobnih kadrova.

PIŠE Mirela Haskić-Suša

Reforma javne uprave jedan je od preduslova za uspješnu integraciju Bosne i Hercegovine u Evropsku uniju i obaveza iz Sporazuma o stabilizaciji i pridruživanju. Međutim, modernizacija javne uprave u našoj zemlji potrebna je, ne samo zbog našeg stremljenja ka Evropskoj

uniji, nego, prije svega, kao pretpostavka za odgovornu i troškovno efikasnu državnu službu. Državna služba predstavlja trenutno najsigurnije mjesto za rad u BiH, pri čemu u suštini znači zapošljavanje političkih kadrova upitnih kompetencija

što u konačnici političkim partijama osigurava glasove na izborima. Sam postupak zapošljavanja državnih službenika na prvi pogled izgleda transparentan i objektivn, međutim ipak ostavlja prostor i za političke uticaje. U Federaciji BiH ukupno je evidentirano 7.669 državnih službenika, dok ih je u Republici Srpskoj 3.712. Da li je ovo potreban broj u FBiH ne može se znati, jer

koji predstavlja temelj za realno planiranje državnih službenika.

IZBOR KANDIDATA

“Zakonom o državnoj službi u FBiH, članom 61. utvrđeno je da Vlada Federacije BiH, odnosno, vlada kantona, općinsko i gradsko vijeće utvrđuju opće smjernice za vođenje kadrovske politike u organima državne službe i o tome mogu donositi odgovarajuće akte. U međuvremenu, niti jedan nivo vlasti u FBiH nije utvrdio opće smjernice za kadrovske planiranje koji predstavlja

nijedan nivo vlasti u FBiH nije utvrdio opće smjernice za kadrovske planiranje

7.669

državnih službenika
evidentirano u FBiH

3.712

evidentiranih državnih
službenika u RS

DA SU GRAĐANI I PRAVNA LICA NEZADOVOLJNI RADOM DRŽAVNE SLUŽBE POKAZUJE I WEBER (REGIONALNI PROJEKT „UNAPREĐENJE KAPACITETA CIVILNOG DRUŠTVA ZAPADNOG BALKANA ZA MONITORING JAVNE UPRAVE“) ISTRAŽIVANJE I KOMPARATIVNA ANALIZA BiH I ZEMALJA REGIJE

temelj za realno planiranje državnih službenika. Kadmrovsko planiranje podrazumijeva ne samo potreban broj državnih službenika na godišnjem nivou, već i neophodne kompetencije za ispunjavanje cjelokupne misije organizacije, u skladu sa strateškim prioritetima vlada”, za *Business Magazine* kaže Refik Begić, direktor Agencije za državnu službu FBiH.

Aleksandar Radeta, direktor Agencije za državnu upravu RS za *Business Magazine* kaže da je u RS u proteklih 10 godina približan broj državnih službenika te smatra da je to približan broj potrebnih državnih službenika. “Kada se u okviru novog zakona koji je u pripremi uradi i analitička procjena radnih mjesta moći će se preciznije odrediti




Nisu isključeni uticaji na članove konkursnih komisija, kaže Radeta

potreban broj državnih službenika”, dodaje Radeta. Kada je u pitanju zapošljavanje državnih službenika u FBiH, Agencija za državnu službu FBiH je nadležna, između ostalog, za planiranje i realizaciju procesa zapošljavanja državnih službenika na zahtjev i u skladu sa organom držav-


ne službe. Javni konkurs se objavljuje u „Službenim novinama FBiH“, u najmanje dva dnevna lista koja se distribuiraju na cijeloj teritoriji BiH i na službenoj stranici Agencije te sadrži sve potrebne stavke u skladu sa Zakonom. Na prvi pogled izgleda da svako ima jednake mogućnosti za

Kakav je rezultat BiH u odnosu na region?

Percepcija javnosti o orijentisanosti uprave prema građanima




Percepcija OCD o pristupačnosti administrativnih usluga




Istraživanje WeBER

Percepcija javnosti i dostupnost povratnih informacija građana o kvalitetu administrativnih usluga



Dostupnost informacija o pružanju administrativnih usluga na internet stranicama pružalaca



Izvor: Agencija za državnu službu FBiH

zapošljavanje u organima uprave na osnovu kompetencija. Međutim, u praksi to nije tako.

Agencija za državnu službu FBiH imenuje posebne komisije za izbor koje su prema riječima Begića stručne i nepristrasne u provođenju javnog konkursa. Komisiju za izbor čine tri člana od kojih su dva člana državni službenici iz organa državne službe od kojih je jedan član predstavnik sindikata, dok se treći član imenuje sa liste eksperata koju utvrdi *Agencija*. Sva-ki prijavljeni kandidat može tražiti i dobiti od *Agencije* imena članova komisije za izbor, te može od *Odbo-*

ra za žalbe zatražiti izuzeće bilo kojeg člana komisije na osnovu: sukoba interesa, očiglednog rizika od predrasuda i pristrasnosti i nedostatka neophodnog stručnog znanja. Komisija za izbor državnog službenika provjerava sposobnost kandidata kroz procjenu znanja u formi polaganja testova: ispita općeg znanja i stručnog ispita čiji sastavni dio čini i intervju. Zadatak komisije jeste da utvrdi pitanja/sadržaj stručnog ispita, te sadržaj pitanja za intervju. Ali, kada je u pitanju izbor kandidata problem predstavlja intervju, na osnovu kojeg uvijek najbolji bude onaj kandidat


Odgovornost za postavljenje državnog službenika ima rukovodilac organa, ističe Begić



koji je uglavnom unaprijed određen na osnovu porodičnih i političkih veza. Tu se postavlja pitanje koliko su članovi komisija nezavisni i nepristrasni.

„Komisija ocjenjuje kandidate i utvrđuje listu uspješnih kandidata i istu dostavlja rukovodiocu organa državne službe. Odgovornost za postavljenje državnog službenika sa Liste uspješnih kandidata ima rukovodilac organa u čije ime *Agencija* raspisuje konkurs. Politizacija službeničkog sistema je otvoreno pitanje u svim zemljama regije, pa i BiH. Naš zadatak jeste da slijedimo preporuke *Evrop-*

ske komisije i *SIGMA-e* (zajednička inicijativa OSCE i Evropske unije namijenjen unapređenju uprave i menadžmenta) koje u posljednje vrijeme ističu zabrinutost kada je u pitanju politizacija službeničkog sistema i da inciramo promjene i predlažemo mjere unapređenja kako bi se ovaj problem mogao prevazići, a zadatak vlada jeste da te mjere podrže i institucionaliziraju. Promjena strukture stručnog ispita je planirana za narednu godinu i tada će se, između ostalog, provjeravati funkcionalne i ponašajne kompe-



Sankcioniranje državnih službenika rijetko se koristi

Informacioni sistem za efikasnije upravljanje ljudskim potencijalima

S ciljem unapređenja javne uprave u BiH u segmentu izgradnje profesionalne, efikasne, transparentne i djelotvorne državne uprave, realizira se projekat „Unapređenje informacionog sistema u Agenciji za državnu službu Federacije BiH, Agenciji za državnu upravu Republike Srpske i Pododjeljenju za ljudske resurse *Brčko distrikta BiH*“.

Ukupni cilj projekta je podrška reformi javne uprave u Bosni i Her-

cegovini u segmentu izgradnje profesionalne i djelotvorne državne uprave, kroz povećanje primjene informacionih tehnologija u procesima upravljanja ljudskim potencijalima i uspostavljanja savremenog i transparentnog informacionog sistema. Doprinos reformi javne uprave i specifična svrha projekta je osigurati efikasnije, modernije i pravovremeno upravljanje ljudskim potencijalima u organima državne službe Fede-

racije BiH.

„U okviru navedenog projekta izradit će se više softverskih modula za upravljanje ljudskim potencijalima s osnovnim komponentama sistema kao što su: registar ljudskih resursa, zapošljavanje, osposobljavanje i usavršavanje. Projekt je finansiran sredstvima *Fonda za reformu javne uprave*. Ugovorni organ je *Ured koordinatora za reformu javne uprave*, a glavni korisnici *Agencija za državnu službu Fede-*

racije Bosne i Hercegovine, Agencija za državnu upravu Republike Srpske te Pododjeljenje za ljudske resurse Vlade Brčko distrikta BiH. Vrijednost ugovora je 812.394,86 KM”, objašnjava Begić. U *Agenciji za državnu upravu Republike Srpske* radi se na unapređenju aplikacije u procesu zapošljavanja, aplikacije kod polaganja stručnih ispita i poboljšanju internet prezentacija *Agencije*.

tencije za ulazak u državnu službu. *Agencija* će slijediti pozitivne prakse zemalja iz regije kada je u pitanje uvođenje kompetencija za izbor državnih službenika", objašnjava Begić.

NEPHODNA REFORMA

Radeta dodaje da u *Agenciji za državnu upravu RS* nastoje koliko je to u njihovoj mogućnosti, osigurati da se zapošljavaju kompetentni državni službenici. „Naravno, nisu isključeni uticaji na članove konkursnih komisija mimo *Agencije*. Članovi konkursnih komisija koje imenuje *Agencija* sa liste eksperata su potpuno nezavisni i objektivni što se tiče uticaja *Agencije*. Ni sa jednim članom komisije nikad nisam obavljao razgovor „ko bi trebao da bude izabran“, jedino od njih tražim da sve procedure budu provedene u skladu sa zakonom i podzakonskim propisima. Trenutno je u fazi priprema novog *Zakona o državnim službenicima* gdje je predviđeno uvođenje kompetencija i njihova provjera prilikom zapošljavanja, kao i ulazni pismeni test koji će biti eliminatoran. Priprema zakona radi se sa stručnjacima *SIGMA-e*, a primjenjivat će se najviši standardi koji se primjenjuju i u Evropskoj uniji“, ističe Radeta.

Zbog svega ovoga, oni sa kompetencijama, ali bez „veza“, izbjegavaju se prijavljivati na javne konkurse, jer smatraju da je to gubljenje vremena. S druge strane, na mjestima državnih službenika sjede oni koji niti imaju kompetencije, niti znanje. Da su građani i pravna lica nezadovoljni radom državne službe pokazuje i *WeBER* (regionalni projekat „Unapređenje kapaciteta civilnog



Nisu utvrđene opće smjernice za kadrovsko planiranje

za monitoring javne uprave“) istraživanje i komparativna analiza BiH i zemalja regije. Mogućnost sankcioniranja državnih službenika koji svoj posao ne obavljaju odgovorno i savjesno postoji, ali se ne koristi. „Uglavnom, sankcioniranje se može vršiti ili putem ocjenjivanja ili pokretanja disciplinskog postupka. Međutim, problem u praksi jeste taj što se oba mehanizma ne koriste u dovoljnoj mjeri, niti rukovodioci snose odgovornost za nepoduzimanje određenih mjera“, naglašava Begić. Reforma javne uprave u BiH još je na čekanju. Dr-

žava nije, iako je to od nje traženo iz Evropske unije, smanjila ogroman birokratski aparat, niti je promijenila komplikovane administrativne procedure, koje bi trebalo da olakšaju, a ne otežavaju svakodnevnicu građana u BiH. Proces reforme javne uprave u BiH, prati niz ograničavajućih faktora, ali i nedostatak političke volje.

„Reformu javne uprave, a državne uprave kao njenog manjeg dijela koči nedefinisano stanje u cijeloj državi i neformiranje vlasti poslije izbora. Pitanje da li postoji politička volja trebate pitati politi-

Agencija za državnu upravu RS kroz svoje prijedloge zakonskih i podzakonskih akata nastoji se pridržavati principa i standarda koji su opšteprihvaćeni od strane eksperata *SIGMA*, *RES-PA* (*Regionalna škola za javnu upravu*) i ostalih koji nam pomažu na unapređenju državne uprave u Republici Srpskoj i BiH. Naša želja je da budemo bliži građanima i da naše usluge budu brže i kvalitetnije što je i svrha čitave državne i javne uprave“, objašnjava Radeta.

Begić ističe da je BiH jedina zemlja iz regije koja nije imala fazu procjene stanja u reformi javne uprave u 2019. godini. Razlog tome je što od 2017. godine kada je *SIGMA* sačinila izvještaj o procjeni stanja, nije bilo napretka. *Reformska Agenda 2015-2018* posebnu je pažnju posvetila reformi javne uprave. U međuvremenu urađeni su određene aktivnosti, ali dalja implementacija istih nije nastupila. Nadalje strateški okvir za reformu javne uprave za BiH nije u potpunosti u primjeni, jer isti nije usvojen od strane svih vlada u BiH.

„U procesu reforme javne uprave, *Agencija* je zadužena samo za dio implementacije politike službeničkog sistema. Veliku odgovornost ima *Federalno ministarstvo pravde*, kao i kantonalne vlade, odnosno kantonalna ministarstva za pravdu / pravosuđe i upravu. *Agencija* aktivno sudjeluje i otvara dijalog sa kantonima u smislu harmoniziranja stanja te redovno se konsultuje sa EK i *SiGMA* ekspertima o stanju službeničkog sistema i neophodnim koracima koje treba poduzeti.“, dodaje Begić. **B**

BIH JE JEDINA ZEMLJA IZ REGIJE KOJA NIJE IMALA FAZU PROCJENE STANJA U REFORMI JAVNE UPRAVE U 2019. GODINI. RAZLOG TOME JE ŠTO OD 2017. GODINE KADA JE SIGMA SAČINILA IZVJEŠTAJ O PROCJENI STANJA, NIJE BILO NAPRETKA



Komisija za izbor državnog službenika provjerava sposobnost kandidata



Bajro Ikanović, vođa selefijske zajednice u Hadžićima u Bosni i Hercegovini (BiH), početkom 2013. godine je otišao u Siriju i pridružio se Islamskoj Državi Iraka i Levanta (ISIL).

Poginuo je u borbi za ovu terorističku organizaciju. Prema podacima Tužiteljstva BiH, on je bio komandant vojne jedinice „Jaysh Muhammed Qa'atiba“ koju su činili Bošnjaci s prostora Balkana. Godinu i pol prije nego je Ikanović otišao na ratište u ISIL, novinar Centra za istraživačko novinarstvo (CIN) je s njim proveo nekoliko dana na bosanskim planinama gdje je Ikanović odlazio kako bi se klonio svakodnevnih grijeha.

Otkrio pravi islam

U dokumentarnom filmu „Terorista“ CIN donosi jedinstven razgovor sa njim u kojem je otvoreno govorio o svojoj ideologiji, svakodnevnom životu, selefijskom prakticiranju islama i sudskom procesu u kojem je osuđen za pripremanje terorističkog napada u BiH.

Prema podacima istražnih i obavještajnih institucija, na područje ISIL-a otišlo je oko 270 muškaraca, žena i djece iz BiH. Manji dio se vratio u BiH, a pojedini su po povratku osuđeni ili im se sudi zbog ratovanja na stranim ratištima. Novinari CIN-a su razgovarali s njih 12, ali su samo trojica pristala stati pred kamere.

Uz njih, novinari CIN-a su razgovarali i s njihovim obiteljima, psiholozima, vjerskim vođama i tužiteljem koji radi na ovom slučaju.

“Zovem se Bajro Ikanović, nedavno sam izašao iz zatvora. Odslužio sam četverogodišnju kaznu. Prvo je bila osam godina, pa su mi skratili na četiri. Osuđen sam za pripremanje terorističkog napada. To je to”, kaže Ikanović na početku filma.

On je, kako sam kaže, jedan od onih muslimana koji je otkrio pravi islam. Selefijsko tumačenje islama je stiglo u BiH s borcima za džihad i islamskim misionarima početkom 90-ih. Strani mudžahedini su s ovakvim videnjem vjere bili spremni poginuti u BiH, što je kod dijela domaćeg stanovništva izazvalo poštovanje. Zbog toga su pridobili sljedbenike čiji je broj vremenom rastao.

No, sigurnosne službe njihove zajednice smatraju pogodnim za vrbovanje i obuku terorista.

Bajro tvrdi da mu je država montirala proces i osudila ga bez krivice. Njegova ljubav prema planini nije uobičajena, avanturistička.

“Pa, čovjek dođe tu da se preispita je li Muhaseba sunnet, shodno tome kako

NOVINARI CIN-a RAZGOVARALI S 12 TERORISTA, NEKI SPREMNI ZA DŽIHAD

TERORIST



'Terorizam u islamu je, u osnovi, zastrašivanje. Nama je dozvoljeno zastrašivati Allahove neprijatelje'

je radio Resul s.a.v.s. Dodeš, preipitaš se, odmoris se. Međutim, to se drugačije vidi kod onih koji ne vole ovu vjeru. Znači, htjeli su mi pripisati obuku za teroriste zbog ljubavi prema planini”, kaže Ikanović.

Dugo je trebalo novinarima CIN-a da ih preusmjere s teme o planinarskim anegdota na temu zbog koje su došli. Upitao ga je novinar što je za njega terorizam?

“Terorizam? Pa, irhab (arap. zastrašivanje). Terorizam u islamu je, u osnovi, zastrašivanje. Nama je do-

zvoljeno zastrašivati Allahove neprijatelje.

Njegovi prijatelji za njega kažu da je nevin i da je žrtva borbe protiv terorizma.

Dubravko Čampara, kaže da ima dosta slučajeva kada optuženi sam sebe uvjerili da nije kriv za nešto za što je očigledno kriv.

Kako je došlo do presude Bajri Ikanoviću? Dakle, ljudi su sami sebe snimili i objasnili na tom snimku što će uraditi s eksplozivom koje nose na sebi – kazao je Čampara.

Ikanović, pak, kaže drugačije. “Pronašli su bezveze

neki pojas i rekli da je samoubilački. Apsolutno smiješna stvar da to bude samoubilački pojas. Prije bih rekao da je to bio neki običan pojas. Pronašli su eksploziv. I valjda pištolj su našli. I to je sve što su pronašli. Vidiš ti ovih naših planina... Boje se, znaš. Boje se nas ratnika, potomaka ratnika”, priča Ikanović.

Namtnuta pravila

Svoje dolaske kući s ratišta, Bajro je iskoristio kako bi nametnuo nova vjerska pravila svojim roditeljima. Pod izgovorom da mu to vjera za-

branjuje, uništio je sve obiteljske slike na kojima je prikazan njegov lik. Ocu je ostala samo jedna njegova slika iz djetinjstva.

– Kaže da sam ja nevjernik. Ne ideš u džamiju, znači da si nevjernik. I kad ja umrem, meni neće klanjati džezazu. Ja mu kažem, znači sam si sebi neprijatelj, pa si onda i meni. Kad si tako pametan i tako kulturn, onda de pokupi te svoje vjerske knjige i haj traži od Boga i kuću i zemlju, kazao je njegov otac u ovom filmu.

Bajro je nakon sukoba s ocem boravio kod Huseina

OBITELJI TUŽNE, LJUTE, IZBACILI IH IZ KUĆE, GOVORE O NAJTEŽIM MOMENTIMA U ŽIVOTU

ITIMA U ŽIVOTU

Bilala Bosnića, jednog od vodećih ljudi, tzv. vehabijskog pokreta u BiH. On je kasnije osuđen za regrutiranje i slanje ljudi na ratišta u Siriju i Irak.

Najdramatičniji primjer ovakve indoktrinacije dogodio se obitelji Grabus iz Brke kod **Brčkog**. Dva brata, muzičari, Senad i Jasmin, naglo su se promijenili, nakon što ih je posjetio nepoznati lokalni selefija. Za majku Sidu su to bili traumatični dani.

“Jedan je brat došao, čovjek s bradom. Jesi ti Senadova mati? Jesam. Hoćete mu dati ovaj CD? Ja sam mislila neki CD od muzike. Slušali su Edu Majku, neke strane, Tošeta Proeskog... On (Senad, op.a), kako je taj CD pogledao, tako je i krenulo. Vidim ja, brada. Više farmerice neće da nose, uzeli platnene hlače, otišli šnajderu i odsjekli do koljena. Ne do koljena, nego do članaka. Odmah sam ja znala da je to to. Pitam je: 'to? Ma nije to to, to je sad imidž, to je ono to je ovo, dok nije počelo. Počeli dolaziti ti njegovi. Dolazili po njih i vodili ih na predavanja. A sve mi govorili nije to to, ništa se ti nemoj sekirati, poljube me, zagrlje. Nije to to, mi to onako malo, iz cirkusa. Onda je otišao gore Nusretu. Ja sam onda rekla Jasku, ako ćeš se tako oblačiti pokupi se i idi iz kuće. Ja neću tako. Ja znam da ste vi otišli u te vehabije. I on se pokupio, ranac uzeo i otišao gore u Gornju Maoču. I iz Gornje Maoče je Jasko i otišao Siriju...”, rekla je majka Senada i Jasmina.

Smještene pretežno po ruralnim dijelovima BiH, selefijske grupe žive izolirane od ostatka društva. Iako u blizini imaju džamije, oni grade svoje mesdžide u kojima se okupljaju i obavljaju molitve. Ipak, u toj svojoj zatvorenosti, ne žive svi istim životom i nemaju iste stavove i uvjerenja. Te razlike dolaze do izražaja kada govorimo o tumačenju džihada.

Emir Čajić, vođa selefija iz džemata Kula u Tuzli, na pitanje da li su selefije radikalne, kaže da u tom kontekstu sigurno da ima radikala.

Samir Hadžialić jedan je od onih koji su spremni poginuti za džihad. Ipak, u Siriju je otišao 2013. godine na nagovor drugih. “Prvi put sam s ovim Ibrom Delićem slučajno na tu temu došao. I on je rekao bi li ti meni bio suputnik, reko' bih.”, kaže Hadžialić.

Delić i Hadžialić su se iz Sirije vratili dva mjeseca kasnije. Nedugo nakon povratka bili su uhićeni i osuđeni.

“Osuđen sam za priključivanje, pridruživanje i financiranje terorističke grupe”, kaže Hadžialić. Lišeno je i pretreseno 40 povratnika sa stranih ratišta. Od toga, do danas, oko 28 je procesuirano pred Sudom BiH. **B. K.**



ПОДРИЊЕ	0 (0)
КРУПА	2 (0)

Стријелци: 01 Лукић у 64, 02 Мандић у 90+2. минуту.
Стадион: Подриња у Јањи.
Гледалаца: 200.
Судија: Јово Карић (Требиње) 7.
Жути картони: Вујић, Јањић (Подриње).
Играч утакмице: Јово Лукић (Крупа) 7,5.

ПОДРИЊЕ: Бећировић 6, Класановић 6,5, Мољеровић 5,5 (од 64. минута Механовић -), Ђокић 6,5, Вујић 6, Вучић 6, Ђукић 6,5, Јањић 5,5 (од 60. минута Зарић 6), Ј. Арнаутовић 6 (од 74. минута Ласнон -), Јовановић 6, Драганић 6,5. Тренер: Илија Симић.

КРУПА: Колак -, М. Модич 7 (од 70. минута Хацић -), Лукић 7, Дујаковић 7, Билал 6,5 (од 62. минута Пузигаћа -), С. Николић 7, Филиповић 7, Максимовић 7, Микетек 7, Мандић 7,5, Л. Николић 6,5 (63. Декић 7). Тренер: Зоран Марић.

КОЗАРА	2 (1)
РУДАР ПРИЈЕДОР	1 (0)

Стријелци: 10 Гаврић (36), 11 Пекија (58), 21 Глишић (70).
Стадион: Градски у Градишци.
Гледалаца: 300.
Судија: Велимир Дринић (Модрича) 7.
Жути картони: Новаковић, Поповић, Глишић, Кукић, Модич (Козара), Буразор, Савановић, Матовић, Шиканић (Рудар Приједор).
Црвени картон: Милош Кукућ (Козара), други жути картон у 87. минуту.
Играч утакмице: Немања Гаврић (Козара) 7,5.

КОЗАРА: Модич 7, Бубић 7, Не Бабић 7, Раслудић 7,5, Петковић 7, Глишић 7,5 (од 88. минута Лолит -), Новаковић 7 (од 65. минута Кукић 5), Кукавица 7, Гаврић 7,5, Батар 7, Поповић 7 (од 65. минута Јандрић -), Тренер: Нецад Жерич.

РУДАР ПРИЈЕДОР: Хамзабеговић 6, Матовић 6,5, Миловић 6,5, Но. Петровић 7, Пекија 7, Савановић 6,5, Буразор 6,5 (од 77. минута Шиканић -), Калесић 5,5 (од 59. минута Максимовић 6), Јаћимовић 6,5, Дојчиновић 5,5 (од 59. минута Павловић 5,5), Зекановић 6. Тренер: Игор Јанковић.

СЛАВИЈА	1 (0)
ТЕКСТИЛАЦ	1 (1)

Стријелци: 01 Ђекић у 36, 11 Љуца у 59. минуту.
Стадион: СРЦ Славија у Источном Сарајеву.
Гледалаца: 50.
Судија: Марио Јелић (Бањалука) 6,5.
Жути картони: Н. Бјелош (Славија), Рудан (Текстилац).
Играч утакмице: Нино Нецибовић (Славија) 7.

СЛАВИЈА: Нецибовић 7, Пушара 6,5, Д. Бјелош 6 (од 78. минута Поповац -), Бабић 6, Перовић 6, Шћепановић 6,5, Благојевић 6, Бојанић 6,5, Љуца 6,5, Н. Бјелош 6,5, Кента-ро 6. Тренер: Милан Гуговић.

ТЕКСТИЛАЦ: Плиснић 7, Марић 6, Рудан 6, Јоловић 6,5, Аљетић 6, С. Ступар 6, Перовић 6,5, Зарић 6, Ђорић 6, Ђекић 6,5, Рашевић 6. Тренер: Данимир Милкановић.

ЈЕДИНСТВО	1 (1)
ЖЕЉЕЗНИЧАР СТ	2 (0)

Стријелци: 10 Павић из пенала у 36, 11 Црномарковић из пенала у 79, 12 Теодоровић у 80. минуту.
Стадион: Локомотиве у Брчком.
Гледалаца: 100.
Судија: Бојан Панић (Приједор) 6,5.
Жути картони: Лукић, Буљубашић (Јединство), Сладојевић, Мартић (Жељезничар).
Играч утакмице: Данило Теодоровић (Жељезничар) 7,5.

ЈЕДИНСТВО: Дакић 6,5, Лукић 6 (од 83. минуту Чавалић -), Станкић 6, Мирић 6, Ђокић 6,5, Митровић 6, Павић 7, Божић 6, Хаскић 6, Мишковић 6,5, Буљубашић 6. Тренер: Видоје Зарић.

ЖЕЉЕЗНИЧАР: Ђетковић 7, Чолић 6,5, Сладојевић 6,5, Шаула 6,5, Џаферовић 7, Црномарковић 7, Ру-жичић 6 (од 46. минута Теодоровић 7,5), Кузмановић 6,5, Кршић 6 (од 75. минута Мартић -), Мартић 7, Петровић 6 (од 46. минута Баштић 7). Тренер: Зоран Туриза.



Слобода залеђена у Бањалуци



БАЊАЛУКА - Кошаркашице Младог Крајишника побједиле су Слободу са 74 поена разлике у четвртм колу Лиге БиХ, а сусрет у Бањалуци завршен је резултатом 102:28.

Пет играчица домаћег тима имало је двоцифрен учинак, а предњачила је Данијела Поповић са 15 поена. Орлови су уписали први пораз ове сезоне и то на го-

стовању код конкурента у WABA лиги и актуелног шампиона БиХ Бановића са 100:72. Јединство је надиграло Рудар Спорт са 86:40. Пласман: 1. Бановићи 4-0, 2. Орлови 3-1, 3. Плеј оф 3-0, 4. Јединство 2-2, 5. Коњиц 2-1, 6. Рудар С. 1-3, 7. Леотар 03 1-2, 8. М. Крајишник 1-2, 9. Брчанка 1-2, 10. Челик 1-2, 11. Игман 1-2, 12. Слобода 0-3.



ZVANIČNICI RS JEDINSTVENI U STAVU Federalna policija ne može biti raspoređena u RS

BANJALUKA - Problem migranata u BiH ne može da rješava RS i ona nema uslove za njihov smještaj, poručila je juče Željka Cvijanović, predsjednica RS, te istakla da problem migranata treba da rješava Savjet ministara BiH. "Ništa do sada nisu uradili i sve umijeće pravljenja odrede-

nog aranžmana bilo je u tome kako da rasporede policiju Federacije BiH na teritoriju RS, a poznato je da po ustavu na to nemaju pravo", istakla je Cvijanovićeva.

Cvijanovićeva je poručila da ne mogu da razmišljaju da policiju kantona niti policiju FBiH razmjestite na prostor RS niti



obrnuto.

Naglasila je da je za svaku osudu osmišljavanje strategije navodnog rješavanja problema migranata smještanjem u srpska povratnička sela.

Savjet ministara BiH zakazao je za sutra sjednicu na čijem je dnevnom redu pitanje migracija

kojim se želi nametnuti sporazum, koji predviđa, kako navode mediji, da na istočnu granicu bude upućena federalna policija kao ispomoć Graničnoj policiji.

Mirko Šarović, predsjednik SDS-a, rekao je da nije upoznat sa informacijom da bi se na toj sjednici mogao naći prijedlog da

se na granici BiH prema Crnoj Gori i Srbiji može angažovati federalna policija i dodao da će o tom pitanju poštovati stav RS.

Igor Crnadak, predsjednik PDP-a, rekao je da za protekle četiri godine u Savjetu ministara nije dozvoljeno usvajanje nijedne odluke štetne po RS i ističe da će tako biti i na sjednici, tako da građani RS mogu biti mirni što se tiče svih stvari koje tretiraju interese RS.

Duška Majkić, delegat SNSD-a u Domu naroda parlamenta BiH, objasnila je da jedino direktor Granične policije može podnijeti zahtjev za pomoć u čuvanju granice uz prethodni dogovor sa entitetima i Breko distriktom. (Agencije)



Bezbjednosni izazovi u svijetu i u BiH sve izraženiji

JAVNI I PRIVATNI SEKTOR moraju da sarađuju

Privatna i javna bezbjednost ne mogu funkcionisati odvojeno i mi smo zadovoljni saradnjom sa institucijama države, rekla Dragana Kosić, generalni direktor "Sector Securityja"

Uroš VUKIĆ

uros@nezavisne.com

BANJALUKA - Zbog sve kompleksnije bezbjednosne situacije u svijetu i sve izraženijeg trenda odlaska ljudi iz ove branše, neophodni su bo-

lja saradnja i razumijevanje javnog i privatnog sektora bezbjednosti u Republici Srpskoj.

"Privatna i javna bezbjednost ne mogu funkcionisati odvojeno i mi smo zadovoljni saradnjom sa institucijama države. Određena unapređenja mogu se napraviti u oblasti zakonodavstva. Neka napredna iskustva iz regiona i svijeta mogu se odmah primijeniti. U našem okruženju privatni sektor značajno se angažuje u obezbjeđenju javnih objekata i javnih površina, sofisticiranim tehničkim sredstvima zaštite. Nisu rijetki slučajevi da privatne kompanije fizičko-tehnički obezbjeđuju vojne i druge javne objekte. Na ovaj način ostavlja se više vremena za rješavanje namjenskih zadataka

policiji i vojsci", rekla je Dragana Kosić, generalni direktor "Sector Securityja", najveće bezbjednosne kompanije u BiH sa domaćim kapitalom i domaćom radnom snagom.

Ona ističe da trend odlaska radnika jeste prisutan, ali da ova kompanija dijeli sudbinu ostalih u sektoru bezbjednosti te da je taj trend bio povod da se organizuju na drugačiji način. Takođe, naglašava da se cijeli bezbjednosni sektor suočava s ovom situacijom te da je odgovornost na svima jednaka, kako na državi tako i na privatnim poslodavcima.

"Uloga države je da stvori što bolje radne uslove, a mislimo da je to posebno važno za velike kompanije, jer se za njih vezuju stotine manjih partnera i hiljade njihovih zaposlenih, kao i hiljade članova njihovih porodica", rekla

je Kosićeva, dodajući da u ovom trenutku kompanija "Sector Securityja" zapošljava više od 1.400 ljudi širom Bosne i Hercegovine u 15 poslovnih jedinica.

Stručnjaci iz oblasti bezbjednosti ističu da sektor privatne bezbjednosti još nije dovoljno cijenjen i na njega se gleda sa po-dozrenjem i pored toga što te kompanije pomažu da društvo u kojem rade bude sigurnije. Naglašavaju i to da pravni okvir ne doprinosi razvijanju saradnje i

partnerstva bezbjednosnog i privatnog sektora te da bi u tom pravcu trebalo raditi na nekim izmjenama.


"Regionalno, privatni sektor bezbjednosti dobio je svoje mjesto i ulogu i svojevrsnu vrstu priznanja na način da je u pojedinim nacionalnim strategijama bezbjednosti, kao što je na primjer u Srbiji, prepoznat kao jedan od subjekata u sistemu nacionalne bezbjednosti", rekao je Gojko Pavlović iz Istraživačkog centra Banjaluka, koji naglašava i to da u Srbiji postoji i Komisija za javno-privatno partnerstvo u sektoru bezbjednosti, koja je osnovana početkom 2012. godine.

Kako navodi Pavlović, posljednja dostupna istraživanja o stanju privatne bezbjednosti sprovedena 2010. godine pokazuju da samo u Evropi u priva-

tnom sektoru djeluje oko 52.300 kompanija, koje zapošljavaju 2.170.589 radnika. Kada je riječ o BiH, statistika ukazuje na to da otprilike na 1.000 stanovnika dolazi 1,4 pripadnika privatnog sektora bezbjednosti.

"Posmatrano prema različitim nivoima vlasti, na području Brčko distrikta, na 605 građana dolazi jedan radnik, dok u Federaciji BiH broj stanovnika na jednog radnika je najmanji i iznosi 555, odnosno na 1.000 građana dolazi 1,8 radnika. U Republici Srpskoj na 1.689 stanovnika dolazi jedan radnik obezbjeđenja, a prema nekim podacima, u državama EU na 500 građana u prosjeku dolazi jedan radnik obezbjeđenja", rekao je Pavlović zaključujući da se privatni bezbjednosni sektor mora razvijati pod odgovarajućim nadzorom.





Sala za sjednice obično izgleda ovako

Za nerad inkasirali 2,6 miliona KM

Pojedini državni poslanici pozivaju visokog predstavnika u BiH Valentina Inzka da obustavi isplatu plaća onim među njima koji ne žele da rade

Piše: **ADEM DŽAFEROVIĆ**

Oba doma državnog Parlamenta u blokadi su još od njihovog konstituisanja. Tek nekoliko pokušaja zasjedanja u ovoj godini rezultat je rada 42 poslanika i 15 delegata. Da budemo jasni, čast izuzecima koji su obavljali svoj posao i u periodu blokade, predlagali zakone, inicijative, tražili rješenja, odgovore... Međutim, rijetki su takvi. Sredinom prošle sedmice pojedini poslanici Predstavničkog doma PSBiH pozvali su visokog predstavnika međunarodne zajednice u BiH Valentina Inzka da primijeni model bivšeg zamjenika visokog predstavnika Raffija Gregoriana i obustavi isplatu plaća državnim parlamentarima.

Sramno ponašanje

"Pozivam visokog predstavnika da obustavi isplatu plaća parlamentarima koji ne dolaze na posao, neka naprave kriterije u kojima će plaća biti isplaćena onima koji rade", re-

kao je predsjedavajući Predstavničkog doma PSBiH Denis Zvizdić.

Dodao je kako nije moralno primati visoku plaću parlamentarca, a ne raditi.

Korak dalje je otišao član Predsjedništva BiH Šefik Džaferović, koji je u intervjuu za naš list kazao da oni koji neće da rade ne samo da ne bi trebali primati plaće već bi im trebao biti oduzet i mandat.

Inzko bi ukidanjem plata mogao napraviti veliki pritisak na zastupnike i delegate koji ne dolaze na sjednice Parlamenta BiH, ističe Jasmin Emrić

Pitali smo i druge državne poslanike šta misle o pozivu na reagovanje Inzka. Uglavnom, svi su za, osim onih koji blokiraju rad Parlamenta. Šef Kluba DF-a Dženan Đonlagić podržava ovu ideju.

- U blokadi su oba doma. Uzrok se zna. U Predstavničkom domu SNSD nije dostavio imena zastupnika za stalna radna tijela, dok u Domu naroda Klub Hrvata to isto nije uradio. Ukoliko se ide na djelovanje visokog predstavnika, on bi morao nametnuti izmjene i dopune Pravilnika o platama i naknadama, u kojima bi se definisao način isplate plaće izabranim zastupnicima i delegatima. On ima to ovlaštenje, samo je pitanje hoće li to uraditi, ističe Đonlagić za Oslobođenje.

Vjeruje da bi takav potez natjerao parlamentarne počnu raditi.

- Potpuno sam siguran da veliki broj zastupnika i delegata nema šta drugo u životu raditi, tako da bi to bila mjera



Dobra atmosfera je vladala samo prilikom preuzimanja mandata / AMER KAJMOVI



Aida Baručija: Poslali smo sramnu poruku

koja bi podigla pritisak prema predsjednicima stranaka koji ne dopuštaju da se odblokira rad Parlamenta, dodaje on.

Zamjenica predsjednika Kluba Naša stranka - Nezavisni blok Aida Baručija kaže da ne postoji opravdan razlog zbog kojeg se ne sazivaju sjednice PD-a.

- Potpuno sam saglasna s tim da se svima koji se ne pojavljuju na poslu ili koji ništa nisu uradili obustave sva moguća primanja. Ovo je sramno

šta pojedinci rade od državnog Parlamenta. Poslali smo sramnu poruku čak i Evropskoj uniji, da je moguće u jednoj zemlji godinu ne dolaziti na posao, a redovno primati enormno visoku platu, ogorčena je Baručija.

Podsjeća kako je prije više od 10 mjeseci u parlamentarnu procedu-

ruje da zastoj nije nastao zbog poslanika, već zbog članova Predsjedništva BiH, koji neće da upute prijedlog za predsjedavajućeg Vijeća ministara.

- Adresirati krivicu poslanicima nije uredu. Ja nisam neko ko je te plate odredio niti neko ko je donosio te zakone, iako se ja s moralne strane slažem da su naše plate neopravdano velike. Što se tiče dolaska na posao, moj posao je svaki grad Republike Srpske i prezentovanje interesa onih koji su me izabrali, navodi Stevandić.

Primjer Brčkog

Da plate treba ukinuti svima dok god državni Parlament ne radi, smatra Damir Arnaut, poslanik SBB-a u istom domu.

- Uzimajući u obzir kako je to bilo efikasno u slučaju Brčko distrikta još onomad, sigurno bi imalo efekta na moje kolege koje sada bez bilo kakvih sankcija blokiraju rad Parlamenta, da se uozbilje i počnu raditi, kaže nam Arnaut.

Podsjetimo, godišnji odmori traju više od godinu a parlamentarci ove zemlje su u posljednjih 11 mjeseci naplatili od građana više od 2,6 miliona maraka. Građani ih jesu birali, ali ne da bi primali novac za nerad i međusobna prepucavanja, od koje država i narod ne da nemaju koristi, već trpe i štetu.

Ne smatram da je posao poslanika samo na sjednicama, poslanik treba da bude stalno na terenu i sa narodom, kaže Stevandić

ru uputila prijedlog izmjene Zakona o akcizama kojim bi se u budućnosti pet posto od akciza na duhan usmjeravalo za liječenje teško oboljele djece.

- Poslanici su i na to ostali gluhi. Zamislite kad ih ni bolesna djeca ne mogu vratiti u realnost. Dajte da radimo ono što možemo. Prepustili smo djecu da se liječe SMS porukama, dok ogromne plate za nerad ne kasne, naglašava Baručija.

S druge strane, predsjedavajući Srpskog kluba Nenad Stevandić po-



Šta donose izmjene Zakona o notarima u Federaciji BiH

Ustavni sud smatra da je protuustavno to što građani nisu imali mogućnost da se opredijele i za neku drugu formu, tj. da ugovor sačine sami ili da im ugovor sačini advokat ili treća osoba

Parlament Federacije BiH je 2002. godine usvojio Zakon o notarima kao jedan u nizu zakona koji su u procesu reforme pravosuđa imali za cilj da poboljšaju pravnu sigurnost i efikasnost sudova u oblasti za koju je navedeni zakon donesen. Zakonom je propisano da je služba notara javna služba. Zakonom su, između ostalog, propisani pravni poslovi za koje je obavezna notarska obrada isprava. Najzastupljeniji u praksi su pravni poslovi čiji je predmet prenos ili sticanje vlasništva ili drugih stvarnih prava na nekretnostima i osnivačka akta privrednih društava. Kad je u pitanju odgovornost notara kao nosilaca javne službe, Zakonom je takođe propisano da je notar dužan nadoknaditi štetu koju je on ili njegov zaposlenik prouzrokovao povredom službene dužnosti trećim licima. U vezi s tim notari su dužni da se osiguraju od odgovornosti za štetu koju bi mogli prouzrokovati trećim licima u obavljanju svoje službene dužnosti. Posebno važna odredba Zakona odnosi se na to da notar mora ispitati pravu volju stranaka, objasniti situaciju, stranke poučiti o pravnom dometu pravnog posla i njihove izjave jasno i nedvosmisleno u pisanoj formi sastaviti u obliku notarskog izvornika. Pri tome notar mora paziti da se isključe zabune i sumnje, kao i da neiskusne i nevjeste stranke ne budu oštećene. Ovo je bitna odredba u okolnostima kad još uvijek u Federaciji BiH ima dosta osoba koje su nepismene u pravom smislu riječi i koje učestvuju u

zaključivanju gore navedenih pravnih poslova.

Ustavnom sudu Federacije Bosne i Hercegovine su se, putem potpredsjednika Federacije, obratili advokati sa apelacijom da "monopolističke nadležnosti" notara diskriminiraju advokate, iako su advokati podjednako kompetentni za predmetne pravne poslove, i to poslove vezane za promet nekretnosti, poslove vezane za nasljedno pravo i tako dalje. Tako da bi, navodi se, usluge notara i advokata trebale da budu jednako dostupne za sve građane. Naročito su isticali da je time onemogućeno da i stranka sama sebi sačini ugovor, ističući kao primjer da ni sudac sam sebi ne može sastaviti ugovor, iako suci imaju znanje i stručnost za to. Ustavni sud Federacije BiH je apelacije usvojio i naložio da Parlament u roku od 6 mjeseci (do 16. 11. 2019.) implementira te presude i omogući građanima da biraju ko će im ugovor - pravni posao sastaviti.

Važno je znati: Iz presuda Ustavnog suda Federacije BiH jasno proizilazi da nije notarska profesija proglašena protuustavnom niti je protuustavna notarski obrađena isprava.

Ustavni sud smatra da je protuustavno to što građani po tim zakonima nisu imali mogućnost da se opredijele i za neku drugu formu, tj. da ugovor sačine sami ili da im ugovor sačini advokat ili treća osoba.

Parlament je u obavezi da te presude pravilno implementira, i da istovremeno, kroz implementaciju presuda Ustavnog suda Federacije

BiH, odnosno izmjene Zakona kojima bi proširio krug osoba koje mogu sačinjavati ugovore osigura provodivost tih ugovora u zemljišnoj knjizi i registru privrednih društava a da se ne eliminišu postignuti efekti koje su notari postigli. To se, između ostalog, odnosi na to: da se po osnovu notarski obrađenih ugovora stranke sa sigurnošću upisuju u odgovarajuće registre u najkraćem roku (u prosjeku 15 dana), dok se ranije na uknjižbu vlasništva čekalo godinu-dvije, da se na upis privrednih društava u registar čekalo po godinu-dvije, a sada 15 dana, ukoliko osnivač ispunjava sve potrebne uslove. Federalno ministarstvo pravde je imajući sve to u vidu, u prijedlogu izmjena zakona uvelo tzv. potvrđenu (solemniziranu ispravu) po uzoru na Austriju, R Hrvatsku, Srbiju i zadržalo notarsku obradu, ukoliko stranka želi takvu formu.

Solemnizirana isprava je ugovor koji mogu da sastave same stranke, advokat, pravnici u privrednim društvima ili treće osobe bez pravne kvalifikacije, ali taj ugovor mora proći postupak potvrđivanja, gdje notar provjerava njegovu valjanost i provodivost. Takav solemnizirani akt na koji će notar naravno trošiti puno manje vremena nego kada sam sačinjava ugovor, treba biti i jeftiniji za stranke.

Najvažnije je da ne bi bilo rizika da se dostignuti stepen pravne sigurnosti i brzine postupanja sudova ugrozi, a što bi se desilo ukoliko bi se dala mogućnost da svako piše ugovore, bez provjere (potvrđivanja notara) i ne bi se otvorio prostor za nadripisarstvo.

Nažalost, izmjene Zakona o notarima koje su usvojene u Predstavničkom domu Federacije BiH otišle su u drugom pravcu, a prema kojima će sačinjavanje ugovora za prethodno navedene pravne poslove moći sačinjavati notari, advokati, pravnici, kao i građani koji nisu pravno kvalifikovani, imati za posljedicu, s obzirom na nepostojanje obavezne materijalne odgovornosti i nepostojanja obaveze zaštite pravne neuke stranke (nedostatak pravne naobrazbe, nepoznavanje jezika i sl.) povratak u pravnu nesigurnost u ovoj oblasti i stvaranje uslova za nadripisarstvo pa i kriminal (u javnosti poznat slučaj Mihrije Pelak koja je osuđena za prevare, dok građani nisu dobili svoj novac nazad).

Dakle, kad je u pitanju aspekt pravne sigurnosti općenito i prava građana u prometu nekretnosti, isti će biti dovedeni u pitanje s obzirom na to da neće biti nikakvih kontrolnih mehanizama, niti mehanizama zaštite svih stranaka koje je pružala notarska služba kao javna služba.

Kad su u pitanju troškovi građana za navedene usluge ako ih poradimo sa advokatskom tarifom (i jedna i druga su javno objavljene), lahko se uvjeriti da je advokatska tarifa znatno viša od notarske tarife te da su notari dio fiskalnog sistema za razliku od advokata koji to nisu (ovo samo radi poređenja cijena usluga jer su notarska služba i advokatura dvije pravno različite pozicionirane službe). Ipak, najveći izazov za pravnu sigurnost će biti rad pravno nekvalifikovanih osoba (nadripisara) čije će posljedice biti

vidljive nakon dužeg vremena i koje će biti teško sanirati. Naravno, ove promjene treba gledati i u kontekstu pogoršanja ambijenta za nova ulaganja stranih i domaćih ulagača. Navedene izmjene će dovesti do povećanja dužine redova pred šalterima registarskih sudova i organa uprave kao i dužine čekanja na upise u zemljišne knjige, katastarske operacije i registar privrednih društava.

Ono što je zakonodavac mogao uraditi za unapređenje notarijata, poboljšanje poslovnog ambijenta i poboljšanje usluga građanima u ovoj oblasti jeste elektronsko povezivanje notara sa sudovima, poreskom upravom i statistikom i stvaranje jednošaltarskog sistema za registraciju pravnih osoba (sve na jednom mjestu kod notara, bez hodanja od šaltera do šaltera), kao i preuzimanje zadataka bez odlaska na šalter izda i bespotrebnog gubljenja vremena i novca. Važno je takođe napomenuti da se ovakvim zakonskim izmjenama suština uvođenja notarijata u Bosni i Hercegovini, kao pravne tekovine uređenih demokratskih društava, obesmišljava, a uvodi pravna anarhija i nejedinstvo pravnog prostora u ovoj oblasti iz razloga što je Zakon o notarima u Republici Srpskoj i distriktu Brčko ostao nepromijenjen. Nadam se da će ipak u Domu naroda Parlamentu FBiH prevladati egzaktna argumentacija i da ipak Federacija neće na reformskom putu napraviti korak unazad u ovoj oblasti.

KASEMA ČATOVIĆ,
notar